



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De raptu eius ad loca purgatorij, & ad gaudia paradisi: vnde sertum, à
beata virgine sibi datum, reportauit. VII

[urn:nbn:de:hbz:466:1-45790](#)

CAPVT VII.

De rapta eius ad loca purgatorij, & ad gaudia paradisi, unde sertum, à beata Virgine sibi datum, reportauit.

1. Aptæ est post hæc spiritu leuâte ad loca purgatoria: vbi inter cæteras, quas multipliciter & grauiter torqueri vidi, etiâ animas amicorū suorum puniri videbat: pro quibus liberandis ac releuandis, se postmodum in corpore duriter affligebat. His igitur purgatorijs locis & quampluribus pœnalibus locis, (in quibus animæ pro diuersitate culparum torquebantur) dolenter perspectis, Deo miserante ad contemplanda æternæ vitae gaudia perducta fuit. Ibi sanè videbat, qualiter omnipotens Deus in seipso gloria sua fruebatur, secundum illud: *Ego primus & nonissimus.* Et, *Gloriæ meam alteri non dabo.* Videbat etiâ qualiter sancti martyres, confessores, prophetæ, virgines, atque alij beatorum ordines, gloria sua in semetipuis fruebantur; & præ delitijs affluentibus, per alterutrum in inuicem transfundebantur.

2. His gaudiis perlustratis, plures Sancti eam alloquentes dulciter consolabantur, & ad patientiam exhortantes ita dicebant: *Quid nunc hic existentibus obest & nocuit, quod in mundo multa aduersa pro Christo perpeſſi sunt?* Tunc accessit ad eam beatissima virgo Maria in magna gloria, & amicabiliter alloquens interrogabat eam dicens: *Cur charissima filia, sic venisti nudo capite & non ornato?* Tunc hæc virgo respondit: *Charissima Domina virgo Maria, hæc est voluntas Domini & Dei mei: & sic ductor meus me adduxit.* Post multa itaq; familiaria colloquia Dei genitricis cum hac virginе, adueniente tempore, quo ad sensus corporeos redire debuit, hæc ad eā mater Christi verba intulit: *Charissima filia, viriliter age, & confortetur cor tuum in tolerantia dolorum, quia pro his quæ nunc patetis mirabilem & magnam gloriam consequeris.*

3. Addidit quoque beata Virgo ad eam, inquirens: *Visne habere sertum super caput tuum?* Respondit illa: *Ego non possum hic habere voluntatem meam.* Cùm ergo ad ductorem suum Angelum aspexisset, & ille resignanti voluntatem suam consenseret, ut acciperet: accipe, inquit beata Virgo, hoc sertum super caput tuum, quod nisi septem horis poterit esse super terram. Trade quoq; illud in manus confessoris tui, & dic ei, quod ego demando ipsi, ut credulus sit donis omnipotētis filij Dei: & hoc sertum ponat super caput imaginis meæ, quæ est in ecclesia. His igitur peractis, reuersa est ad sensus corporeos virgo theorica, gratias



gratias magnificè agens Domino, super cōsolatione tam iucunda. Sed cum tale sertum corporaliter accepisse ignoraret, tandem casu vel necessitate urgente, manum capiti suo superponens, sertum florigerū detraxit, quod ex odore suauissimo, manu beatæ Virginis sibi impositum recognoscebat: & ferè usque ad septimam reditus sui horam, apud se conseruabat. Erat autē hoc sertum cœrulei seu crocei coloris, & rugosum, humanis aspectibus hactenus inuisum, quod ex se miræ suavitatis emittebat odorēm: Ideoq; quamdiu potuit, tam pulchrum & floridum sertum apud se retinebat.

4. Igitur ante septimam horam iussit excitari confessorem suum, & celeriter ad se venire, habens ei aliqua secreta referre. Qui venieus interrogauit, quid vellet? Cui virgo respondit: se cuidam festivitati interfuisse, & beatam virginem Mariam sertum istud sibi tradidisse, ut ad terras deferret, & in manus eius daret; quatenus donis Dei crederet, & ex mandato B. Virginis, hoc sertum in manus acciperet, atque ecclesiam (quæ tunc temporis combusta fuerat) manè intraret; & capiti imaginis B. Mariæ Virginis superponeret. Cumq; confessor interrogasset, quomodo posset ecclesiam intrare, cum needum dies esset, & ecclesia clausa foret? Illa ei respondit? Citò vadens, pete tibi à sacrista ecclesiam aperiri, quia tempus instat, quo sertum illud oportet referri, vnde illud ego detuli. Tunc ille: Quomodo sertum capiti imaginis superponam, quæ in tam alto loco sita est? Respondit virgo. In maiori choro & in illo loco scalam inuenies, quam assūmens ascende, & sertum capiti imaginis B. Virginis superpone.

5. Tunc ille tali accepto signo egressus, rogabat custodem, ut citò surgeret & ecclesiam aperiret. Quod cùm libenter fecisset, confessor virginis inuentam scalam in loco, quem ei indicauerat, ad imaginem secum portabat, & ascendit. Cui custos: Quid ibi vultis facere? Respondit sacerdos: Quod ego facio, nō potes modò scire: sed Dominus dabit, quod postmodum scies. Quam responsionem custos paruipendens, quia misterium nesciebat, statim recessit. Confessor autem deuotus, impleuit desiderium virginis; & imposito seruo capiti sacræ imaginis, scalam ad locum priorem reportabat. Cùm ergo flexis genibus ante imaginem orasset, & reuerenter adorasset, expletis omnibus, quæ in mandatis acceperat, antequam ecclesiam exiret, Angelus Domini idem floriferum sertum ad locum suum retulit, vnde illud virgo prius detulerat, sicut postea præfata viduæ Catharinae referebat.